



UNIVERSITETI I ELBASANIT “ALEKSANDËR XHUVANI”

THIRRJE PËR PJESËMARRJE

NË

KONFERENCËN E PESTË NDËRKOMBËTARE STUDENTORE

“Inteligjenca artificiale dhe e ardhmja e profesioneve”

18 maj 2026

Elbasan

Universiteti i Elbasanit “Aleksandër Xhuvani”

18 maj 2026, Elbasan

Kemi kënaqësinë të ftojmë të gjithë studentët të dërgojnë punimet e tyre për **Konferencën e 5-të Ndërkombëtare Studentore** me temë **“Inteligjenca artificiale dhe e ardhmja e profesioneve”**, e cila do të mbahet në Universitetin e Elbasanit “Aleksandër Xhuvani”, më **18 maj 2026**.

Zhvillimi i shpejtë i inteligjencës artificiale po transformon mënyrën se si jetojmë, mësojmë dhe punojmë. Teknologjitë e reja po ndikojnë drejtpërdrejt në strukturën e profesioneve, duke krijuar mundësi të reja, por edhe duke sjellë sfida për tregun e punës dhe përgatitjen e brezave të rinj. Në këtë kontekst, roli i studentëve dhe i kërkimit akademik bëhet gjithnjë e më i rëndësishëm për të kuptuar dhe analizuar këto ndryshime.

Kjo konferencë synon të krijojë një hapësirë akademike ku studentët mund të eksplorojnë ndikimin e inteligjencës artificiale në fusha të ndryshme të jetës profesionale dhe shoqërore. Përmes prezantimit të punimeve të tyre, studentët do të kenë mundësinë të diskutojnë ide, të ndajnë perspektiva të reja dhe të kontribuojnë në debatet mbi mënyrën se si teknologjitë e reja po riformësojnë profesionet e së ardhmes.

Objektivi kryesor i Universitetit të Elbasanit “Aleksandër Xhuvani” është përgatitja e profesionistëve të aftë për t’u përballur me sfidat e zhvillimit në fushat e shkencave humane, shkencave natyrore, ekonomisë, arsimit dhe shkencave mjekësore teknike. Në këtë kuadër, diskutimi mbi inteligjencën artificiale dhe ndikimin e saj në profesionet e së ardhmes është një element thelbësor për formimin akademik dhe profesional të studentëve.

Organizimi i kësaj konference përbën një mundësi të rëndësishme për studentët që të pasurojnë përvojën e tyre akademike, të zhvillojnë aftësi kërkimore dhe të angazhohen në një dialog ndërkombëtar mbi rolin e teknologjisë dhe inovacionit në transformimin e profesioneve dhe të shoqërisë.

Pjesëmarrësit

Të gjithë studentët e interesuar të ciklit të parë, të dytë dhe të tretë të studimeve në Universitetin e Elbasanit dhe të mbarë universiteteve të tjera partnere kombëtare dhe ndërkombëtare janë të ftuar të marrin pjesë në Konferencën e 5-të Shkencore Studentore “Inteligjenca artificiale dhe e ardhmja e profesioneve”. Inkurajojmë të gjithë studentët që kanë përfunduar punimin e diplomës ose të mikrotezës, apo që janë të përfshirë në një projekt kërkimor shkencor me këmbënguljen dhe besimin për realizimin e këtij projekti brenda afateve të përcaktuara në këtë thirrje.

Qëllimi i konferencës:

Qëllimi kryesor i kësaj konference është të nxisë diskutimin akademik dhe shkencor mbi ndikimin e inteligjencës artificiale në transformimin e profesioneve dhe në zhvillimin e tregut të punës. Përmes kësaj konference synohet të inkurajohet angazhimi i studentëve në analizimin e mundësive dhe sfidave që sjell përdorimi i inteligjencës artificiale në fusha të ndryshme profesionale, si dhe të promovohet roli i tyre në krijimin e ideve dhe qasjeve inovative që kontribuojnë në zhvillimin e qëndrueshëm të shoqërisë dhe të ekonomisë së së ardhmes.

Objektivat e konferencës:

Konferenca synon të nxisë, motivojë dhe udhëzojë studentët në zhvillimin e të menduarit kritik mbi ndikimin e inteligjencës artificiale në profesionet dhe shoqërinë bashkëkohore; t'i përfshijë ata në diskutime dhe debate mbi çështje aktuale dhe ndërdisiplinore që lidhen me transformimin teknologjik dhe tregun e punës; si dhe të promovojë zhvillimin e aftësive të tyre në kërkimin shkencor dhe në analizimin e sfidave të së ardhmes profesionale.

Objektivat specifike për këtë konferencë janë si më poshtë:

- nxitja dhe inkurajimi i studentëve për të zhvilluar dhe prezantuar punime dhe projekte që analizojnë ndikimin e inteligjencës artificiale në fusha të ndryshme të studimit dhe të punës;
- promovimi i aftësive kërkimore dhe analitike të studentëve në trajtimin e çështjeve që lidhen me zhvillimin teknologjik dhe transformimin e profesioneve;
- zhvillimi i aftësive të studentëve për të identifikuar sfidat dhe mundësitë që sjell inteligjenca artificiale, si dhe për të propozuar qasje dhe zgjidhje inovative;
- krijimi i një hapësire bashkëpunimi dhe shkëmbimi idesh ndërmjet studentëve dhe universiteteve në vend, në rajon dhe më gjerë mbi rolin e teknologjisë dhe inovacionit në të ardhmen e profesioneve.

Tematikat e konferencës:

Tematika e kësaj konference mbështetet dhe fokusohet në:

- a) Shkencat Humane dhe Shoqërore;
- b) Shkencat e Natyrës;
- c) Shkencat e Edukimit;
- d) Shkencat Ekonomike;
- e) Shkencat Mjekësore Teknike.

Në konferencë punimi mund të paraqitet në formë:

- shkrimi akademik;
- eseje.

Botimet e konferencës

- Bordi shkencor do të përzgjedhë punimet më të mira mbi bazën e përkatësisë së tematikës, qartësisë së mendimit dhe argumentimit, risisë dhe origjinalitetit të punës kërkimore e shkencore. Kto punime të përzgjedhura do të botohen në revistën e universitetit të quajtur Edicioni Special.
- Abstraktet e punimeve të pranura do të botohen në Librin e Akteve të Konferencës (proceedings) me ISBN.

Seancat që do të mbahen në konferencë:

- seanca plenare;
- sesionet tematike.

Data të rëndësishme për konferencën:

<i>Dërgimi i abstraktit</i>	27.03.2026
<i>Dërgimi i prezantimit power point</i>	27.04.2026
<i>Data e konferencës</i>	18.05.2026

INFORMACIONE PLOTËSUESE**Gjuha e konferencës: në gjuhën shqipe dhe angleze**

Konfirmimi për pranimin e abstraktit do të dërgohet në rrugë elektronike në adresën personale të aplikantit.

Format e prezantimit të punimeve:

- prezantim verbal;
- prezantim me Power point.

Vendi: Universiteti i Elbasanit “Aleksandër Xhuvani”

Ju jemi mirënjohës gjithashtu, nëse ju e ndani këtë Thirrje për Pjesëmarrje në Konferencë e 5-të Ndërkombëtare Studentore edhe me kolegët dhe bashkëpunëtorët tuaj.

Ju falënderojmë për interesimin tuaj!

Për dërgimin e materialeve, si dhe çdo pyetje lidhur me konferencën ju lutem të mos hezitoni të kontaktoni në adresën email: konferenca.studentore@uniel.edu.al

Ju falënderojmë për interesimin dhe angazhimin tuaj!

FORMATI I PUNIMIT

Punimi i plotë duhet të dërgohet në format elektronik në adresën e [konferenca studentore@uniel.edu.al](mailto:konferenca.studentore@uniel.edu.al) në formatin e kërkuar si më poshtë, si dhe i shoqëruar me figurat (fotografitë) me cilësi të mirë (në qoftë se ka të tilla).

Punimi nuk duhet të jetë botuar më parë, në asnjë revistë tjetër apo proceedings brenda dhe jashtë vendit.

Gjatësia dhe madhësia e punimit:	Punimi duhet të shkruhet në Microsoft® Office Word 97-2003 . I gjithë punimi duhet të jetë 3000 – 5000 fjalë.
Gjuha e punimit:	Punimi duhet të shkruhet në gjuhën shqipe të saktë dhe të kuptueshme duke shmangur përdorimin e fjalëve të huaja. Në rast se është domosdoshmëri përdorimi i tyre atëherë është e nevojshme të përkthehen në kllapa ose në “footnote”. Sigurohuni që dorëshkrimi juaj të jetë kontrolluar nga ana drejtshkrimore dhe gramatikore para dorëzimit. Autori duhet të shkruajë si rregull në vetën e tretë duke përdorur si shprehje, si: quhet, konsiderohet, arrihet, në përfundim se, vërtetohet se etj. Janë të pranueshme edhe dorëshkrime në gjuhën angleze, kur cilësia e gjuhës plotëson kërkesat, dhe teksti është redaktuar më parë nga një person i autorizuar për gjuhën angleze.
Fonti:	Times New Roman, single line (vijëzimi justified) Shënim: Vijëzimi Justify mund të aktivizohet dhe duke përdorur CTRL+ J
Formatimi i punimit:	Font: 11 Orientation: Portrait Page Layout - Size: B5(JIS), 7,17" x 10,12 Page Layout - Margins: Moderate 1" x 1", 0,75" x 0,75" Text Alignment: Justified Line Spacing: 1,15 • Mos vendosni numër faqesh. • Mos e formatoni tekstin në kolona të shumta. • Mos lini paragrafë. Linjat bosh duhet të lihen vetëm nëse është e nevojshme. • Mos përdorni hapësira të shumta.
Organizimi i punimit:	Elementet që duhet të përmbajë një punim: • Titulli, autori/ët dhe përkatësitë • Abstrakti dhe fjalët kyçe • Hyrja • Materiale dhe metoda • Rezultatet • Diskutim • Përfundime/ Konkluzione • Referencat/Literatura • Shtojca (t) (nëse aplikohet)

Titulli:	• Titulli duhet të jetë specifik, korrekt, i kuptueshëm dhe të përçojë idenë qendrore të punimit për lexuesit jashtë fushës. • Titulli duhet të shtypet me germa KAPITALE me font 14 dhe me Bold (germa të theksuara). Titulli i punimit nuk duhet të ketë më shumë se 250 karaktere. • Pas titullit vendosen emrat e autorëve me font 12 dhe me Bold, institucionet përkatëse dhe adresat e plota të tyre me Font 10 dhe Italic • Titulli, autori/ët dhe adresat vendosen në qendër.
Autori/ët:	Të gjithë individët që kanë dhënë një kontribut thelbësor në artikull duhet të listohen si autorë. Ju lutemi shkruani emrin dhe mbiemrin e autorëve, si dhe përkatësinë. Përkatësia përfshin programin e studimit, universitetin ose vendndodhjen e tij, duke përfshirë qytetin, shtetin. • Mos listoni gradat akademike, adresat personale dhe e-maillet. • Emri mbiemri i autorit/ëve duhet të shkruhen me Font 12 Bold. • Përkatësitë e autorit/ëve duhet të shkruhen me font 10 dhe Italic.
Përmbledhja / Abstrakti:	Abstrakti duhet të përshkruajë objektivin (at) kryesorë të studimit, të shpjegojë se si është kryer studimi dhe të përmbledhë rezultatet më të rëndësishme dhe rëndësinë e tyre. • Abstrakti nuk duhet të kalojë 300 fjalë ose të përfshijë citime. • Në punimet në gjuhën shqipe përmbledhja/abstrakti duhet të paraqitet në dy gjuhë, shqip dhe anglisht. • Përmbledhja/abstrakti duhen me Font 11 dhe Italic.
Fjalët kyçe:	• Punimi duhet të ketë jo më shumë se 5-7 fjalë ose fraza kryesore kyçe të cilat pasqyrojnë thelbin e punimit. • Fjalët kyçe ose frazat kryesore duhet të ndahen me presje. • Vetëm emrat, mbiemrat dhe shkurtesat e duhura duhet të shkruhen me shkronja të mëdha.
Titujt dhe nëntitujt e punimit:	• Titujt shkruhen me shkronja të mëdha, shkronja të zeza (Bold), pas një rreshti bosh. • Nën-titujt shkruhen me shkronja të pjerrëta, me fjali. Ato numërohen duke përdorur numra arabë (1, 1.1, 1.2, 1.2.1..., 2, 2.1...). • Kufizoni pjesët dhe nën-seksionet e dorëshkrimeve në 3 nivele titulli.
Punimi:	Në hyrje bëhet një paraqitje e hollësishme e rëndësisë së problemit që do të jetë në qendër të punimit. Hyrja duhet të përshkruajë shkurt bazën për punën e paraqitur. Në hyrje tregohen objektivat dhe arsyet e ndërmarrjes së studimit, struktura e punimit, si dhe shkurtimisht rezultatet e marra, diskutimet e kryera dhe të rejat që sjell punimi.
	Sfondi teorik: Në këtë pjesë bëhet një përshkrim i përgjithshëm i rishikimit të literaturës dhe vendoset tema e propozuar. Në punën kërkimore gjithnjë fillohet prej një baze teorike që është mbizotëruese në një fushë të caktuar shkencore.
	Formulimi i problemit dhe qëllimeve të punimit: Problemi shkencor duhet të përkufizohet qartë, saktë dhe mirë. Qëllimet e punimit duhet të jenë të harmonizuara me problemin. Parashtrimi i problemit edhe nëse ai qëndron si i tillë, duhet të jenë të lidhura kuptimisht me qasjen teorike, por edhe me hipotezat dhe metodat e parashikuara të kërkimit.

Pyetjet dhe hipoteza: Pyetja e punimit duhet të formulohet qartë. Ajo duhet të nënkuptojë një hipotezë kërkimi që mund të verifikohet. Hipoteza e kërkimit duhet të jetë e formuluar saktë, në mënyrë që të shmanget dykuptimësia dhe kërkesat shtesë. Është e rëndësishme që gjetjet të paraqiten në mënyrë të tillë që mund të arrihet në përfundime. Në kërkimet cilësore është e rëndësishme që të kuptohen drejt dukuritë e hulumtuara dhe të tregohet se përvojat që pasqyrohen në to ndihmojnë të kuptuarit dhe lejojnë mbërritjen në përfundime të caktuara. Nëse përdorim kërkime sasiore apo një përzierje të të dyjave, është gjithashtu e rëndësishme të përcaktohet një numër kriteresh përmes së cilave një hipotezë pohohet ose mohohet.

Materiali dhe Metoda duhet të paraqiten në mënyrë të detajuar. Këtu paraqiten metodat e ndryshme të përdorura në studim, si dhe ato statistikore. Informacioni duhet të jetë i mjaftueshëm që të lejojë referimet.

Rezultatet dhe diskutimet duhet të jenë të qarta dhe të ilustruara në tabela dhe grafikë. Rezultatet eksperimentale duhet të analizohen statistikisht dhe të nxirren përfundime në bazë të një besueshmërie statistikore. Të njëjtat rezultate të dhëna me tabela nuk mund të jepen edhe me anën e grafikëve dhe anasjelltas.

Konkluzionet: Konkluzionet që vijnë nga rezultatet e paraqitura duhet të diskutohen në mënyrë të plotë, të lidhen direkt dhe të mbështeten në rezultatet e arritura. Konkluzionet nuk duhet të jenë spekulative, të merren prej literaturës, njohurive të përgjithshme e spontane.

Tabelat:

- Përmasat e tabelave, figurave dhe fotografive nuk duhet të kalojnë përmasat **12 cm në gjerësi x 18 cm në gjatësi**.
- Tabelat duhet të vendosen në pikat e duhura të tekstit, midis paragrafëve, jo brenda tyre.
- Të gjitha tabelat duhet të kenë numrat dhe titujt e tabelave dhe duhet të referohen me numrin e tabelës në tekst.
- Numri dhe titulli i një table duhet të vendosen sipër, jashtë tabelës dhe në qendër të tabelës. Fonti 10, vetëm emërtimi i tabelës me Bold, dhe përshkrimi vetëm Italic. Shembull: **Tabela 1.** *Të dhënat e përgjithshme të studimeve*
- Tabelat duhet të ndërtohen përmes përdorimit të funksionit Tabelës në Microsoft Word dhe nuk duhet të përfshijnë imazhe ose objekte. Ato nuk duhet të përmbajnë hapësira të panevojshme. Tabelat që janë shumë të gjata ose shumë të gjera për një faqe të vetme mund të shtypen në një madhësi fonti më të vogël ose të vazhdojnë në faqen tjetër.

Figurat:

- Figurat, të cilat përfshijnë grafikë, tabela, harta, vizatime dhe fotografi, duhet të kenë një ndikim material në përmbajtjen e një artikulli dhe nuk duhet të përdoren për qëllime dekorative.
- Figurat duhet të vendosen në pikat e duhura të tekstit, midis paragrafëve, jo brenda tyre.
- Të gjitha figurat duhet të kenë numra dhe tituj figurash dhe duhet të referohen me numrin e figurës në tekst. Numri dhe titulli i figurës duhet të vendosen sipër dhe jashtë figurës. Fonti 10, vetëm emërtimi i figurës me Bold, dhe përshkrimi vetëm Italic. Shembull: **Figura 1.** *Të dhënat e përgjithshme të studimeve*

- Figurat duhet të jenë me cilësi të lartë dhe duhet të përshtaten në një faqe.

Akronimet:

Mos përdorni shkurtesa jo standarde nëse ato nuk shfaqen të paktën tri herë në tekst. Mbani shkurtimet në minimum.

Shënimet / Footnotes:

Shënimet janë të vendosura në fund të një faqeje. Ata citojnë referenca ose komentojnë një pjesë të caktuar të tekstit mbi të. Shënimet i referohen burimeve përkatëse - ata i bëjnë të ditur lexuesit tuaj se nga ka ardhur një material i caktuar, ose ku mund të kërkojnë burime të tjera mbi këtë temë.

Referencat:

Referencat renditen në fund të punimit. Ju lutemi sigurohuni që çdo referencë e cituar në tekst të jetë gjithashtu e pranishme në listën e referencave (dhe anasjelltas). Rezultatet e pabotuara dhe komunikimet personale nuk rekomandohen në listën e referencave.

Citimet e literaturës përgjatë artikullit duhet të bëhen duke përdorur emrin e autorit, të dy autorëve, ose të autorit të parë: p.sh. në përdorimin drejtpërdrejt në periudhë: Uherkovich (1963); Brakefield & Dowdeswell (1985); Van den Hoek et al. (1995); ndërsa në citimin e përgjithshëm: (Uherkovich, 1963; Brakefield & Dowdeswell, 1985; Van den Hoek et al., 1995). Literatura duhet të shkruhet qartë dhe e plotë, gjithë autorët, titulli i plotë, emri kuptueshëm i botuesit dhe faqet, si më poshtë (për librat dhe artikujt shkencorë përkatësisht):

Literatura në fund të artikullit:

Brakefield P. M. (1982): The ecological genetics of quantitative characters of *Maniola jurtina* and other butterflies. In: The biology of butterflies. Symposia of the Royal Entomological Society, London. No. 11: 167-190

Brakefield P. M., Dowdeswell W. H. (1985): Comparison of two independent scoring techniques for spot variation in *Maniola jurtina* (L.) and the consequences of some differences. Biol. J. Linn. Soc. 24: 329-345

Uherkovich G. (1963): Contributions a' la connaissance du potamo-phytoplankton de quelques fleuves de l'Albanie. Acta Botanica, Ac. Sci. Hungaricae, vol. 9: 161-172

Për një sistem referimi korrekt dhe të unifikuar do sugjeronim të përdorni Mendeley Reference Manager ose paketa të tjera të menaxhimit të referencave të cilat ndihmojnë në menaxhimin dhe shkrimin e referencave. Për më shumë detaje ndiqni guidën <https://www.mendeley.com/guides/apa-citation-guide>.